

Expediente	2022013807
Asunto	Solicitud de acceso a información pública de
Trámite	Resolución de inadmisión

O deputado delegado con competencias en Transparencia, en virtude das competencias delegadas pola Presidencia, dita a seguinte **RESOLUCIÓN**

Que con data 17 de febreiro de 2022 recibíase a través do modelo normalizado de acceso a información pública a petición realizada por _____ con CSV _____, co seguinte alcance "*Solicito copia do acordo entre a Deputación de Pontevedra e a Xunta de Galicia respecto da gratuidade para o segundo fillo na Gardería Chupetes dependente da Deputación e do Príncipe Felipe en relación aos meses do inicio de curso 2020-2021, isto é os comprendidos entre setembro a decembro incluídos. Adxunto recorte de periódico onde se fai mención a que levaríase un acordo o respecto.*

A Lei 19/2013, do 9 de decembro, de transparencia, acceso á información pública e bo goberno (LTAIBG), no seu artigo 12.4, regula o dereito de todas as persoas a acceder á información pública, entendida, segundo o artigo 13 da mesma norma, como "os contidos ou documentos, calquera que sexa o seu formato ou soporte, que obren en poder dalgún dos suxeitos incluídos no ámbito de aplicación deste título e que fosen elaborados ou adquiridos no exercicio das súas funcións".

Por tanto, a Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque el mesmo elaborouna ou ben porque a obtivo en exercicio das funcións e competencias que ten encomendadas.

Neste sentido, consultado o Servizo do Centro Príncipe Felipe na Deputación de Pontevedra, este comunica que non existe dito acordo entre ambas Administracións Públicas.

Coa Resolución Presidencial pola que se aproba a creación da Unidade Responsable de Transparencia da Deputación de Pontevedra. régulase a súa composición, funcións, réxime xurídico e natureza entre outros, publicada no Boletín Oficial da Provincial de Pontevedra (BOPPO) o 30 outubro de 2020 determínase que a Unidade Responsable de Transparencia da Deputación de Pontevedra constitúese como o órgano colexiado ao que lle corresponde garantir o cumprimento dos requisitos de transparencia e o acceso á información pública na Deputación de Pontevedra, entendendo esta como os contidos ou documentos, calquera que sexa o seu formato ou soporte, que estean en poder da Deputación de Pontevedra e os seus

organismos dependentes e que fosen elaborados ou adquiridos no exercicio das súas funcións.

Que entre as funcións encomenda á devandita unidade están a de tramitación das solicitudes de acceso á información, e, no seu caso, das reclamacións que se interpoñan segundo co previsto na Ordenanza de transparencia e acceso á información pública (BOPPO 18/03/2019).

Por todo o exposto, a proposta da Unidade Responsable de Transparencia da Deputación de Pontevedra e en atención ao disposto na Resolución Presidencial nº 2019014186, de 1 de agosto do 2019, de delegación das atribucións da Presidencia, modificada por Resolución Presidencial número 2020003407, de 27 de maio de 2020,

RESOLVO

PRIMEIRO.- INADMITIR a solicitude de acceso a información pública segundo o previsto no artigo 18.1.e) da LTAIBG, ao non terse constancia nesta Administración da documentación solicitada.

SEGUNDO.- Ordenar a publicación da presente resolución na sección de Transparencia accesible no portal web institucional www.depo.gal, unha vez anonimizados os datos de carácter persoal da persoa solicitante.

En Pontevedra, na data da súa sinatura electrónica.

Fronte a esta resolución, poderá interpoñerse unha reclamación ante o Consello de Transparencia e Bo Goberno de Galicia, con carácter potestativo e previo á súa impugnación en vía contencioso-administrativa, de acordo co establecido no artigo 24 da Lei 19/2013, do 9 de decembro.

Todo iso sen prexuízo de que poida utilizar calquera outro recurso que estime conveniente.

NOTIFÍQUESE A